

誠意伯劉先生文集高情集卷之十八

摸魚兒

晚春

悄寒生沉沉院宇不知春在何處逢春漸老能多少惟  
有暗愁無數春又暮但碧草和煙綠葉漫飛絮盡梁燕  
語還是舊音聲烏衣巷陌轉瞬幾今古天涯路流水  
青山如故離魂長在郊樹夜深月暗蒼梧遠化作杜鵑  
歸去人不見桃花自落空階上東風未許吹夢過藍橋  
關河滿目波浪渺南浦

玉樓春

春來觸處花成綺春去可憐花委地催耕布穀彊知時  
去國杜鵑空有淚雙魚不見人千里落絮牽愁和亭



起巴蕉多事惹東風故作雨聲驚客耳

惜餘春慢

詠子規

隴水沉沙巴猿咽兩淚盡蒲湘竹死多情怨魄何處飛  
來聲在萬重雲裏腸斷行吟放臣去國佳人地遙天邈  
悄空山月冷風清惟見野棠如綺 記向日瓊戶珠簾  
櫻唇簧舌吹商呵徵朱顏尚在十二闌干回首不堪重  
倚滄海桑田有時海若未枯愁應無已到明朝贏得浮  
花滿樹錦被霞碎

金人捧露盤

水如藍山如黛草如絲正去年雙燕來時衡門晝掩日  
長惟有睡相宜午風吹破北窓夢簷影參差 李花開

梅花謝榴花放杏花稀枉教人兩鬢霜垂馮蘭竚立空  
將愁眼盼斜暉斷雲迢遞趁征鴻直到天涯

水調歌頭

雨過百花盡綠葉自成惟翛然驚破殘夢何許一黃鸝  
獨上高樓凝望不見陽春去處惟見草離離且喜晝深  
燕還傍舊巢歸 理紈扇清竹簟試單衣莫思身外閑  
事有酒便須揮螻蟻王侯同盡何用名標竹帛留與後  
人疑坐久暮天碧月在綠楊枝

玉樓春

江城雨熟黃梅後樓閣清高虛永晝階前夕露寶珠呈  
葉底夜蟬金石奏 蒼苔不受殘紅覆市徑沿牆欺組

故老未於物總忘情漫為青山開北牖

歸朝歌

紫燕成雛辭舊宇紅日滿庭雞唱午披襟起遡北窓風  
綠楊葉底聞鶯語故人音信阻白蘋吹盡滄江雨倚闌  
干悠然獨笑暝色下平楚浮生百歲真騫旅富貴繁  
華萍梗聚重瞳隆準等丘墟紫髯桑蓋俱塵土坐來天  
欲暮烏鴉立遍城頭樹看雲頭金盤湧出身在廣寒府

傳言玉女

詠蝶

為問韓憑何事化為胡蝶妬風羞雨一身輕似葉園苑  
書永麗日晴烟相接舞回柳眼怕翻花煩 蝶粉迷香  
園酣猶自未慙錦雲深處更愁濃露漚何況素秋枝上

曉霜披鬢祇應無奈翠銷紅厭

好事近

雨過却斜陽虹外遠山猶濕獨據檣梧高坐待北窓風  
入 可人嘉樹有清陰蟬噪一何急倦暑盼秋來又恐  
芳時輕賤

虞美人

東風過了南風起節去如流水日長門掩燕交加可惜  
紅葵落盡雨中花 人閑只願花長好花謝人催老老  
來空有愛花心無柰斜陽不為駐光陰

訴衷情

相思日日上高樓還是去年秋無情梁上雙燕棄我忽



如讐 蟲嘖 葉颺 夜悠 闌干漫倚塞北江南何  
地無愁

御街行 秋夕

梧桐滴露鳴金井夜耿 如年永月明棲鳥數移柯有  
似佳期不定華年迅速碧霄迢遞別恨空心領 青鸞  
怕見單棲影任網遍盤龍鏡盈盈一水隔雙星腸斷羽  
迷鱗膜消愁憑酒惟應紅柰酒與愁同醒

浣溪沙 桂花

可惟西園木槿花強將孤豔鬪輕霞不知門外夕陽斜  
應有斷魂隨蛺蝶豈無悠恨寄寒鴉那堪橫被綠苔  
遮

玉漏遲 詠鴈

渺長空萬里西風動地鴈來無數早發榆關暮入楚江  
煙雨逝水浮花去遠但滿眼黃蘆飛絮腸斷處雲深夢  
澤月寒湘浦樓上有个佳入問倚遍闌干翠眉雙聚  
淚濕鴉兒化成素絲千縷一望一回惆悵又燈暗網蟲  
垂戶天路阻誰知此情愁苦

滿庭芳 重九

雨歇涼生天高氣爽又是一歲重陽鴈聲來處雲白草  
茫茫黃菊知人無酒也不惜槭死幽芳龍山上西風曠  
靄落日下牛羊登樓何限興一齊分付絡緯寒螿把  
古今閑事莫更思量坐到銀河案戶城角盡月轉空墻

凝眸久驚鳥蜚起零露濕衣裳

花心動

墻下紅葵向斜陽猶開那時顏色半捲繡簾獨倚雕闌  
淚眼為誰長滴九疑煙霧連蓬島蜚魚去渾無蹤跡舊  
游處空餘滿地綠苔堆積百歲真如過客待落蕊重  
榮不知何夕鏡掩素塵香歇羅衣此恨怎生消得夜涼  
月轉梧桐影青燈共踈螢寥寂正憔悴飢蟲又啼暗壁

小重山

詠月

始暎西軒似玉鉤想應容不得一些愁娟娟斜倚鳳凰  
樓窺朱戶應自半含羞今夜正悠悠玉池金岸總是  
瀛洲人間天上一般秋銀潢水何事獨西流

一翦梅

機杼無聲絡緯多天淨雲收月在銀河相思迢遞隔關  
山鴈短人遙可柰何身世悠悠似逝波夢裏嗟咨鏡  
裏婆娑欲回西日掛扶桑惆悵陽公不解揮戈

南柯子

詠葵花

汀葍青絲盡江蓮白羽空翠粧丹粟炫芳叢總把秋光  
管領屬西風豔敵秦川錦鮮欺楚岸楓鯉魚却下水  
仙宮肯放斜陽更向若華東

如夢令

昨夜五更風雨吹盡一汀紅樹曠野寂無人漠漠淡煙  
荒楚日暮日暮誰與暝鴉為主



六么令

詠露

淡雲收盡月在蒼龍角  
霏霏似煙非霧空裏無聲落  
漢殿仙人掌冷桂影飾高閣  
玄蟬皓鶴相呼相喚啾  
燕華濕笑丹藥寒蟄不分命  
薄永夜驚離索絡緯也共莎  
雞吟盡傷心曲只恐韶年易  
晚幸負蓬萊約秋容寂莫  
憑君着意添取楓林賽紅萼

憶舊遊

詠燈花

正良宵過兩玉漏傳聲  
羅幌無風夢覺青缸裏有金葩  
璀璨瓊蕊瓏璵翠翹  
隱映丹鳳摇曳碧雲中似瑞雪  
冷星輕霞暈月聚景攝虹  
離人最多感况四壁蕭條  
惟有吟蟲想像長門殿  
怨佳期冰泮芳意煙空  
強將片影

相對清淚濕鉛紅  
但暗自灰心朱顏判却成老翁

聲聲慢

詠愁

無蹤無跡難語難言  
依依只在心曲兩冷雲昏日暮海  
涯天角輕衾夢回酒醒夜悠々  
蟲響燈綠事去也縱相  
憐不是那時金屋  
鏡裏清揚婉婉凭朱檻  
知他為誰顰感鳳老桐枯  
慘淡九峯青盡湘江  
淚痕未盡有哀猿  
相伴幽獨向此際  
更那堪懷古送目

念奴嬌

紅樹

霜風弄巧把秋林  
一夜吹成春苑炎帝騎龍來  
絳闕紫鳳三千乘輦  
電幟揮雲火旗  
焚雨綴佩隨瓊幃  
碧山流水窅然迷  
却劉阮堪笑舊日  
隋園綺羅  
塵剪蝶與蜂

俱怨對此令人心耿耿如在壽華宮殿若木重暉靡泮  
四照日漾驪珠暖憑高凝睇赤城相去不遠

採桑子

鴈來不帶天邊信莫上高樓新月如鈞一度看來一度  
愁人間無限傷心事覆水難收風葉颺只是商量  
斷送秋

夜飛鵲

中天舊時月還照元宵山疊之水遙碧雲日暮去無  
際玉人何處吹簫東風尚憐故苑儘管鴛鴦肥管柳舞纖  
腰憑高望斷旋添清淚作春潮欲問廣寒音信鯨浪  
湧魚蜚不到曾霄芳徑蒼苔漸滿瓊軒珠綴空掩慵蛸

幾時再得海棠花底候鳴鐘但長煙綠樹青蕪暝靄相  
對竟消

賣花聲

門外綠楊堤有个鶯啼聲傳恨入幽閨閨裏佳人驚  
睡起淚濕眉低莫把此情題天也悲悽滄江東下夕  
陽西華髮不知人別苦隨意萋

阮郎歸

恁情

河梁携手愴離分悲嘶聲入雲長門踈兩滴黃昏昭陽  
歌吹聞懷故國叫愁魂淚花紅欲焚蒼梧苦霧壓湘  
筠猿啼不見君

搗練子



煙漠漠日陰陰山色蒼茫草色深客裏不知春又半倚  
闌無語聽鳴禽

阮郎歸

寒之庭館暮寒時四簷鳴雨垂博山沉水吐遊絲玉釭  
花燼微 蟾影淺漏聲遲愁多成夢稀客行雖好不如  
歸有懷當語誰

賣花聲

樓上倚闌干月在雲端輕烟蜚盡碧綃寒腸斷夕陽芳  
草外山海漫漫 柳嫩不堪攀欲寄應難盤龍匣怨  
孤鸞可惜蟬娟今夜月好共誰看

長相思

風颭之雨颭颭風雨凄寒似九秋釀成千斛愁 花事  
休春事休漫把花枝插滿頭勸春沽少留

玉樓春

東風白下橋邊道不見百花惟見草陰雲結暝燕來難  
宿雨留寒春去早 渚蒲汀荇無煩惱舞葉吹香隨處  
好相思一夜楚江空滿地綠苔蜂蝶老

醉落魄

東風太惡夜來盡把花吹落餘寒燕子烏衣薄對語空  
梁似歡人離索 江山滿眼今非昨無情芳草年年綠  
霧雲不見遠東鶴野鳥聲之只叫思歸樂

解語花

詠柳



依依旖旎娟娟娟生態真無比細腰宮裏和煙重組  
繪滿園桃李佳人睡起晝未了橫雲嫵媚輕步還憐掌  
中身不自勝紉綺長想渭城雨後恨繁絲難綰陌上  
征騎陽關歌罷香塵遠枉把翠柔折寄鴉啼向晚羅幕  
掩數行清淚一任他花作浮萍漂蕩隨流水

驀山溪

詠筍鐸

夜闌人靜鳴玉傳聲小歷々透紗窓悄空閨衾寒夢香  
淒淒切切如共旅菟言流冰咽過雲停一昔腸千繞  
金莖月轉烏尾訛將曉欲斷又還連渺烟霄羈鴻相吊  
憑誰細寫此意入朱絲呼郢客詔湘靈添作江南調

梅花引

晚雲凝晚煙橫煙草茫茫雲樹平杜鵑聲不堪聽別淚  
暗傾良霄空月明冰蠶絲斷琅玕折湘妃竹死青冥  
裂短長亭幾千程歸計未成愁隨江水生

浣溪沙

秋思

細雨斜風拂面來草黃雲白鴈聲哀滄江東去幾時回  
楓葉有霜纔可愛菊花無酒不須開百年多病莫登  
臺

憶舊遊

聞砧

掩重門寂靜庭戶幽々驀地聞砧杵不知何處是雲間  
過響空外傳音故鄉未卜掃日樓薄愧飛沉漫對月興  
懷臨風起歎惻愴傷心登高盼來鴈想此際孤幃幾

度停針相帶圍寬減向誰人借問無計追尋但將數點  
清淚滴在紫羅襟更倚遍朱闌滿頭素絲應自今

浪淘沙

閨怨

白日墮林端庭宇生寒黃蘆風急鴈來難階下露珠眉  
下淚相賽沈瀾寂寞掩重關坐到更闌月華雖好不  
堪看舊恨新愁都有幾地窄天寬

望江南

黃昏雨滴瀝四簷聲陡為衾裯添宿潤都來肺腑作愁  
城惟覺寐難成單棲鳥幾度繞枝鳴金獸有烟飛不  
起玉蟲無燄駭弱還明誰識此時情

博練子

人寂寂夜沉風滿中庭月滿林欲挽銀河瀾淚眼銀  
河清

痕深

江仙

閨怨

織女機遺如鏡月夜深長照空幃玉笙簧冷鳳孤飛苔  
階行遍霜露剝裳衣華表柱頭雙白鶴不知何日來  
歸故山今在故人稀沈思似夢垂涕掩朱扉

對蓮盃

水仙花

凌波步怨赤鯉不与傳檝素空將淚滴珠璣脈、含情  
無語瑤臺路永環佩冷江皋荻花雨把清魂化作孤英  
滿懷幽恨誰訴長夜送月迎風多應被形闈紫殿人  
妬三島鯨濤迷天地歡會處都成間阻淒涼對冰壺玉



井又還怕新寒凋翠羽盼瀟湘鳳杳篁枯賞心惟有青  
女

滿路花

山煙掠草低江月披雲濕闌聲宵未了鍾鼓急寒鴉何  
事獨在枝頭立老來諸病集客裏光陰駛如馳馬難繫  
懷新思故記一長遺十頽墉圍廢宇憑誰葺階前冷  
露似向離人泣歲暮蛟龍蟄干將掛壁任他苔鏽生澀

喜遷鶯

梅花

凍雲初啓看的皜梅花俯窺清泚膏澤無加鉛華不御  
應與素娥爭嚴豔浥藥宮露冷香引瑤池細夜耿々  
想飛瓊欲下縞衣搖裔驚恍猶記得月榭春宵錦障

開芳砌倚樹聯詩擷英浮酒左右翠翹珠斂今日故人  
何在腸斷白波東逝向此際但含情獨立為伊凝睇

水龍吟

夜聞銅鈸湯響作

玉缸開盡丹葩畫簷深宿蟾蜍影門掩清宵聲來何處  
堂空人靜如竹梳風如荷過雨如泉發并向羅幃細細  
如歌如語還如暗蟲相命繡被沉薰正暖夢雲車紫  
鴉雙竝洞庭曠野九韶齊奏殷天笙磬別有蛾眉鼓琴  
彈瑟江鳴山應待翛然暗覺爐存餘地雞啼窓罔

雨中花

月入疎松光的皜淡烟瑣江城夜窸問何處無愁人間  
今古莫作他鄉客月裏青鸞空有翼香不見姮娥消

息但北斗從橫銀河清淺重露成涓滴

菩薩蠻

冰漸着樹成雲朶林梢白月欲將墮月下有啼鳥如悲  
良夜徂 蘭芳銷翠被淒惻驚眠起起坐待天明飛霜  
入鬢清

怨王孫

鱗羽路阻佳人何處木落山寒江空歲暮明鏡飛上青  
天照無眠 海風裂地鯨魚死三萬里水擊蓬萊徒不  
禁清淚暗裏灑向孤燈結成冰

錦堂春

牆角含霜桐竹捲頭作雪雲出鈎簾出葉空庭晚坐看

月來時 異域書迷鴈足幽閨鏡掩蟲絲一宵兩地腸  
千轉惟有夢魂知

浣溪沙

煙慘雲黃天雨沙葉疎枝冷叫棲鴉峭風凝霧作琪花  
澧浦空捐遊子佩河源不返客星槎夜寒坐聽鼓三

槓

玉燭新 夢歸

翳魂悲別久但悶曉憂昏感新懷舊任他萬壑千峯阻  
徑度不勞回首樓臺側畔記向日新栽花柳斜照裏一  
帶青山山前翠浮瓊溜 佳人倩笑來迎有野舞村歌  
亂童船叟故池半愁風葉動攪亂數升科斗周章未了



早畫角吹殘更漏翻惹起無限愁端中心自受

臨江仙

樓外西風將雨過重門又掩黃昏金鳧香炷被無溫繁  
思牽宿恨愕夢恰離魂往事都隨流水去傷心欲共  
誰論故家耆舊幾人存相思芳歲盡霜雪滿乾坤

清平樂

春風欲到小草先知道黃入新莢顏色好圖遣玉絲歸  
早興來策杖微行枝間布穀初鳴喜見兒童相報  
根薺菜先生

錦堂春

鶉鴉輕啞乍霽鳩鳴冷雨還來不知春到多時了渾未

見花開老景夕陽有限華年逝水無回相思一夜蘭  
膏歇清淚滴瓊瑰

蘇幕遮

雨瀟瀟風嫋嫋柔夢相尋不覓春  
鵝鴨到衡陽回去  
了鏡裏離愁獨對琴臺老  
楚天長秦樹杏山感愁眉  
江學回腸繞滿地蒼煙連碧草  
弱水三千人隔蓬萊島

蝶戀花

白水茫茫煙渺渺原野高低觸處生芳草  
草綠花紅人自老  
有情爭似無情好  
喪亂餘身歡意少  
腸斷江山不肯留  
殘照門掩黃昏寒料峭  
角聲吹起雙棲鳥

洞仙歌

春夢

濛濛漠漠杳不知根蒂蕩漾春光去無際盼神仙縹緲  
烟藹蒼茫身到處惟有天風引袂 故人千萬里驀地  
相逢忘了關山路迢遞聚散未分明兩眩雲酣空回首  
已迷塵世但擁被追尋恍如遺惜不覺雞鳴若華東啓

風入松

一天煙靄愁陰庭宇沉沉書梁燕子來何晚薄寒猶  
戀羅衾但道青春未謝不知芳徑苔深 少年歡笑夢  
中尋落得傷心蒼梧鳳去幽篁死斷絃空繫瑤琴莫更  
登高望遠杜鵑聲在雲林

祀英室近

問青青河畔草能得幾時好春去難留鏡掩鏡空老淒

涼深院黃昏新愁既恨趁風雨一齊來到 霧雲杏  
有千丈遊絲那堪繫殘照羅幙寒生哽咽子規叫斷腸  
只是緣愁柔腸數寸怎禁得許多煩惱

摸魚兒

斷腸花已隨流水青苔空瑣深院知人不似花重好莫  
恠為花留戀花不管任啼鴉悲鳴霞錦成霜霰水遙山  
遠淚滴翠綃寒滿天風雨窸窣送書鴈 傷心事縱是  
生來見慣那堪芳歲先晚孤雲目盡蒼梧野留得竹枝  
歌怨蕙莫捲斜照裏荒烟白草愁何限情長意短蟲響  
又黃昏沈沈夜永惟有月華滿

小重山



月滿江城秋夜長西風吹不斷桂袍香碧天如水露華  
涼人不見有淚在羅裳何許鴈南翔堪憐一片影落  
孤房百年浮世事難量空回首天闊海茫茫

點絳脣

昨夜三更井梧葉上聞鳴雨夢魂空去不到思量處為  
問燈花底向愁人吐花無語星河滿樹白髮三千縷

菩薩蠻

月華泛濫秋塘草羈縻路茫茫空館夜聞砧聲為  
客子心故鄉何處在雲白天和海天海共蒼茫何處  
還故鄉

一萼紅

送別

白蘋洲有蘆花似雪人在木蘭舟祖帳方開離歌未闕  
斜照半入江樓話不了纏綿意緒早歸鴻相喚落沙頭  
紅蓼丹楓青煙碧草總為供愁此去幾時重見悵穠  
華易謝零雨難收洛浦波空渭城柳盡欲飲還又回眸  
恨只恨無情海水趁歸風輒向西流畢竟難留一宵長  
似三秋

生查子

蜘蛛網盡簷一日絲千轉紅燼落寒釭心死無由見湖  
上采蓮歸苦意知何限引領望佳期征旆天邊遠

霜葉飛

簾涼宵永紗窓外琅玕飄墜金井欲眠深恐寐難成彊

起看星影悄不覺天回斗柄封狼弧矢相輝映對此默  
消魂又露落青冥漸濕透衣領 河漢有客乘槎清  
都非遠可惜魚羽無定桂華吹散廣寒風兔老蟾蜍冷  
但啣二飢蟲啼膜中心撩亂誰能整坐待雄雞三唱颯  
颯霜鬣怕臨青鏡

浣溪沙

半畝荒園自看鋤雨中時復擷新蔬不須彈鋏歎無魚  
早息機心勞役少懶聞世事往來踈清風明月總贏  
餘

擣練子

雲淡淡月娟娟雲月朦朧照不眠寧是不眠休作夢

時歡喜覺時憐

擣練子

吳苑樹楚江楓一樣秋光雨不同莫道衰榮長定在落  
花終古怨東風

江神子

城頭吹角夜沉沉有棲禽出踈林衝落滿庭珠露滴衣  
襟身在吳江家在越南北事兩關心 人生莫遣二毛  
侵病相尋老駸二漫好青山綠水懶登臨千古鍾期今  
已矣空慘愴對瑤琴

南柯子 送別

送別滄江永傷心落日曛寶箏絃斷鴈離羣最苦愁濃



酒淡不成醺 黃葉淒涼月丹楓索漠雲重來此地却  
思君但覺驪歌猶在耳中間

桃源憶故人

淵明籬下黃金蕤還共空尊憔悴今古這般滋味想得  
都相似 牛山落日悲風起回首舊歡無幾長夜清涼  
如水獨立星河裏

六么令

杪秋遙夜人卧群喧息河漸低庭戶有蟪蛄織何  
許飛來鴈陣衝入寒煙碧相思何極悲來空自目斷雲  
霄羨歸翼 青鎰獨照暗壁脈脈羈魂寂堪恨冷夢難  
長欲見無由得年少不知過了老去徒嗟惜追尋時昔

愁如流水渺渺茫茫趁潮沙

一剪梅

征鴈來時木葉紅淡淡秋光嫋嫋西風江南江北短長  
亭煙草低迷落照中 浮世生涯一轉蓬今日韶顏明  
日衰翁五丁難挽逝川回千古英雄此恨都同

蝶戀花

冷雨淒風昏白晝庭院幽幽秋草沿墻秀何處無愁仍  
有酒可憐蘆澤門前柳 老去情懷難似舊貌殊言異  
轉使人看醜漫摘黃金花在手寒煙滿眼空回首

浣溪沙

詠雞冠花

絳幘雞人紫綺裘彤墀欲報五更籌不勝嬌冶立清秋

日影却穿雲氣入虹光猶帶露華流三千紅粉總凝

眸

風流子

詠草

雪盡水平津萋萋屢屢風景最愁人想金勒未歸繡幃深  
閉玉顏自老芳意徒新送日挽煙千萬里迤邐際蒼旻  
蜀魄叫迷楚魂思殫碧雲如夢眉黛空顰淒涼長門  
殿飛花與清淚共滴華茵惟有亂螢時來夕砌相親恨  
此身不化柔條弱蔓暗隨靈雨得到楓宸窓掩黃昏一  
生幾度青春

蘭陵王

問明月何苦纔圓便缺青冥裏風慘露淒長向人間照

離別玄陰凋暮節瑤井冰斯暗結闌干外河漢漸低星  
影輝輝動城闌重裘冷如鐵看頭上春雲都作飛雪  
銀缸花落銅壺咽傷懷已無奈暝鴉多事啼遍寒枝未  
肯歇寸心自摧折切但望天末恨正抵滄江煙浪空  
闊文魚翼短沉書札淚滴在衣袂盡成清血羈愁恰似  
庭草枯了又更茁

踏莎行

詠遊絲

弱不勝煙嬌難着雨如何縮得春光住甫能振迅入雲  
霄又還旖旎隨風去高柳樓臺低黏花絮如狂似醉  
無歸屢黃蜂粉蝶漫輕盈也應未敢窺芳樹

青門引



采采黃金藥遙見晚山橫翠重門深掩一庭風沾來淡  
酒能得幾回醉草黃雲白鴻千里落日寒煙起相憐  
自有明月照人肺腑清如水

浣溪沙

不寐淒寒剝瘦肌聞鐘驚起攬裳衣恰如久戍得歸時  
斜漢隔山牽月落小禽出樹掠霜飛濛濛輕藹暈朝

暉

浪淘沙

門外幾多春特地愁人紅英都作馬蹄塵只有青青河  
畔草一似相親極目楚江濱流水無津野獺山鳥愁  
芳辰叫雨呼雲昏復曉天也傷神

陳

分韻詠荷花得實字

琴童應律有細煙冒雨濃露晞日洛浦波生湘渚風交  
霓裳水珮爭出姮娥欲共青鸞舞颺錦幕香霏紈質喚  
海棠齊捧驟珠豔色蕩搖鮫室遙想麻姑壇上翠霞  
與縞袂相伴蕭瑟妖冶珊瑚柔媚昌宗敢污天然清謐  
西峯玉井秋河近看葉底蜂房成蜜為君摘向金尊壓  
倒楚江萍實

花心動

煙雨池塘盼花枝垂垂向人如泣燕子乍歸簾幕餘寒  
語困畫梁雙立曉光搖帳驚眠起鶯簧猶澁斷腸處絲  
繁絮亂子規聲急只恐芳時易戢便不待秋風粉銷





明月今宵已自滿，又爭奈素娥幽獨，向天涯。望月與懷  
愁多如簇。年歲促，歡去速，意易足。事難續。鏡掩懶重  
開，縱春風也不鮮。淡黃成綠，隴首孤雲去，無際草上露  
華白如玉。且深下紅簾，倒金樽醅醪。

浣溪沙

嫋嫋西風吹草黃，疎疎零雨泣花粧。驚寒鸚鵡喚人忙。  
鴈影兩行衝月落，蛩聲一部和更长。博山煙冷思茫茫。

千秋歲

送別

淡烟平楚，又送王孫去。花有淚，鳥無語。芭蕉心一寸，楊柳  
絲千縷。今夜雨，定應化作相思樹。憶昔歡游處。

目成前古，良會知何許。百盃康落酒，三疊陽關句。情  
了月明潮上，迷津渚。

驀山溪

三更鳴雨濕透，桃花臉。珠箔未登鉤。早飄落猩紅數點。  
如雲如夢人去已無蹤。金泥鳳玉蟠龍。寂寞蛛絲檢  
玄華柔軟，捲被秋霜染。夜擁寒衾，耿青燈膏凝暈。閃銅  
壺漏水，應是接天河。一聲去一鼓來，空把重門掩。

長相思

嘉興道中

草青青，麥青青。草穗高低麥穗平。黃花相間明。山禽  
鳴水禽鳴。禽鳥與人同有情。不堪聞此聲。

浣溪沙

春半江城不見花也無楊柳可藏鴉青煙碧草到天涯  
過雨郊原帶布穀始雷池沼出鳴蛙清明寒食客思  
家

摸魚兒

洒軒窗數聲疎雨霎時驅退殘暑碧江風過龍鱗起天  
際白雲如絮人老去但說道秋來先自傷心緒故鄉何  
處望不見淵明菊荒三徑盡日漫凝佇新涼夜克影  
澄清漢渚寂二鴻鴈飛度莎雞絡緯閑相妬催得鬢絲  
千縷芳草渡還又是蒼煙綠水連紅樹榮名幾許隨分  
莫求多五湖有路波浪未應阻

祝英臺近

翠烟收珠露下星漢共瀟洒桂影徘徊白雪繁簷瓦故  
鄉渺渺青山茫茫綠水又爭柰流年如瀉嫩涼夜尚  
有萱草餘花芳菲臺榭銅篆香殘絳蠟散輕燄謾說花  
解忘憂二多花少更不分被風吹謝

怨王孫

克鬼又滿天長鴈短露槿驚寒夜蟬怨晚知有多少閑  
愁在心頭白雲飛盡秋無際花滿砌鐘鼓重門閉前  
年舊事轉盼已逐東流水悠悠

二郎神

捲簾邀月漸夜永涼生珍簟看露出青莎煙凝碧樹的  
爍殘螢數點老景逢秋蕪多病怎免得長懷短念辜負



却故園千山松桂一池菱芡 門掩寂寥滿地餘花紅  
糝曉翠被香收玉觴塵浣背壁蘭缸自閃馬角不生烏  
頭難素心侶風旌長颭休恠他敗葉寒窗相應替人悽  
慘

霜葉飛

七夕

鯉魚風起津梁斷盈盈一水難渡藕花相向自成蓮誰  
道中心苦又不覺明星在戶鵲橋橫晷黃姑渚怕喜極  
悲生似那日忽二再把歡笑辜負 甚恨桂闌姮娥棄  
雲驂霧使踏龍尾先去碧雞啼罷鳳棲寒早漏聲催鼓  
照油壁香車駕了踟躕欲上頻回顧但暗滴真珠教向  
人間散成飛雨

少年遊

清風收雨輕雲滿月涼氣入 幽窻亂葉吟朝飢虫啼夜  
各自奏新腔 孤鴻又向天邊落歸夢阻滄江百結愁  
腸兩行絲鬢寂寞對清缸

小重山

說道多憂解瘦人眼中雙別淚怕沾巾白蘋紅蓼滿江  
濱空搔首何處是歸津 感舊却怜新情懷都不似少  
年春野花園柳共埃塵盈藥酒取醉莫辭頻

漁歌子

為趙德懷賦

麥秀蘄二野雉飛沙頭新柳葉如眉風澹蕩水漣漪正  
是溪魚上釣時

二月挑花紫錦香一聲啼鴉萬峰忙歌歛乃濯滄浪有  
酒無愁醉不妨

烟雨樓前溪水生少微山下雜花明揚柳岸小舟橫綠  
陰如幄聽啼鶯

漠二風花撲面飛萋二烟草送人歸彭澤翁首陽薇白  
酒蒼苔獨掩扉

雨聲一夜水漫沙埕鶴長鳴蟻出窠汀荇葉石榴花隨  
意漂流攤釣槎

蒼嶺松花結子成南明山色翠相迎游客思故人情不  
是陽關墮淚聲

三寸時魚碧玉鱗一汀芳草綠羅茵楓葉清荻花津咲

殺黃埃馬上人

滿庭芳 清明

積雨沉春暝烟耐晝不知還又清明榆錢柳絮相逐闖  
輕盈芳徑萋苔漸滿青蘋與白芷俱生疎籬畔海棠間  
竹有个鶉鳩鳴寬心應是酒酒銜愁陣彊似奇兵愛  
星星白髮知我生平底用登樓看鏡誤身世只是虛名  
空凝佇落花如雪雲霧瑣高城



誠意伯劉先生文集卷之十八終

誠意伯劉先生文集寫情集卷之十八終

